

## KOMMISJONSVEDTAK

2012/EØS/5/21

av 25. april 2007

**om endring av vedtak 2007/30/EF med omsyn til overgangstiltak for visse mjølkeprodukt som er framstilte i Bulgaria(\*)***[meldt under nummeret K(2007) 1787]*

(2007/264/EF)

KOMMISJONEN FOR DEI EUROPEISKE FELLESSKAPA HAR —

med tilvising til traktaten om skipinga av Det europeiske fellesskapet,

med tilvising til tilmeldingsakta for Bulgaria og Romania, særleg artikkel 42, og

ut frå desse synsmåtane:

- 1) Ikommisjonsvedtak 2007/30/EF av 22. desember 2006 om fastsetjing av overgangstiltak for marknadsføring av visse produkt av animalsk opphav som er framstilte i Bulgaria og Romania<sup>(1)</sup> er det fastsett visse overgangstiltak for produkt av animalsk opphav som høyrer inn under verkeområdet for europaparlaments- og rådsforordning (EF) nr. 853/2004 av 29. april 2004 om fastsettelse av særlige hygieneregler for næringsmidler av animalsk opprinnelse<sup>(2)</sup> og er framstilte ved verksemder i Bulgaria og Romania fram til 31. desember 2006.
- 2) Bulgaria har no bede om løyve til å eksportere visse mjølkeprodukt som er framstilt ved verksemder i den aktuelle medlemsstaten før 31. desember 2006 og høyrer inn under verkeområdet for vedtak 2007/30/EF, til tredjestatar.
- 3) Dette løyvet kan gjevast på dei vilkåra som er fastsette i artikkel 12 nr. 1 i europaparlaments- og rådsforordning (EF) nr. 178/2002<sup>(3)</sup>. Innanfor denne ramma har Bulgaria lagt fram dei naudsynte opplysningane om godkjenning frå mottakarstaten.

4) Vedtak 2007/30/EF bør difor endrast.

5) Dei tiltaka som er fastsette i dette vedtaket, er i samsvar med fråsegna frå Det faste utvalet for næringsmiddelkjeda og dyrehelsa —

GJORT DETTE VEDTAKET:

*Artikkel 1*

I artikkel 2 nr. 1 i vedtak 2007/30/EF vert følgjande nye ledd lagt til:

«I tillegg kan mjølkeprodukt som er framstilte ved verksemder i Bulgaria, eksporterast til tredjestatar fram til 31. desember 2007 på det vilkåret at eksporten finn stad i samsvar med artikkel 12 i europaparlaments- og rådsforordning (EF) nr. 178/2002(\*)»

(\*) TEF L 31 av 1.2.2002, s. 1.»

*Artikkel 2*

Dette vedtaket er retta til medlemsstatane.

Utfærd i Brussel, 25. april 2007.

*For Kommisjonen*

Markos KYPRIANOU

*Medlem av Kommisjonen*

(\*) Denne fellesskapsrettsakten, kunngjort i EUT L 114 av 1.5.2007, s. 16, er omhandlet i EØS-komiteens beslutning nr. 150/2007 av 7. desember 2007 om endring av EØS-avtalens vedlegg I (Veterinære og plantesanitære forhold) og vedlegg II (Tekniske forskrifter, standarder, prøving og sertifisering), se EØS-tillegget til Den europeiske unions tidende nr. 26, 8.5.2008, s. 6.

<sup>(1)</sup> TEU L 8 av 13.1.2007, s. 59.

<sup>(2)</sup> TEU L 139 av 30.4.2004, s. 55, retta ved TEU L 226 av 25.6.2004, s. 22. Forordninga sist endra ved rådsforordning (EF) nr. 1791/2006 (TEU L 365 av 20.12.2006, s. 1).

<sup>(3)</sup> TEF L 31 av 1.2.2002, s. 1.